

Bracarenfis Metropolis subscripsit Concilio Bracarenfi secundo, & *Pantardus* Toletano tertio.

DUMIUM Isidoro Hispalensi, Monasterium juxta Bragam. Hujus Abbas Martinus fuit, in cujus honorem sedes Episcopalis erecta est: ipsique pro diœcesi familia regia tributa dicitur in Notitia antiqua Hispaniæ. *Joannes* Dumienfis Episcopus subscripsit Concilio Toletano tertio, & *Benjamin* Decreto Gundemari Regis.

PORTUCALE, vel Portus Calensis Antonino in Itinerario, hodie *El Puerto*. *Argiovitrus* hujus Episcopus subscripsit Concilio Toletano tertio, & *Argebertus* Toletano sub Gundemaro.

CONIMBRICA eidem Anton. quæ & aliis Conimbriga dicitur, vulgò *Coymbra*. *Lucentius* hujus Episcopus subscripsit Conc. Bracarenfi secundo.

WISEUM lib. Concil. vulgò *Viseo*. *Remisol* hujus Episcopus subscripsit Concilio Bracarenfi secundo, necnon *Sinula* Toletano tertio.

LAMECUM, seu Lameca, Ptol. ut arbitror, Forum Limicorum, vulgò *Lamego*. *Sardinarius* Lamecensis Episcopus subscripsit Concilio Bracarenfi secundo, & *Philippus* Toletano tertio.

VALENTIA ad Minium fluvium, Salust. in fragm. Hist. lib. 3. non longè à Tude, vulgò *Valenzia al Menno*. Inter Episcopales in Notitiis Hispaniarum non recensetur, sed quod honorem Episcopatus obtinuerit ex hoc conjicio, quod plures Episcopi Valentineses subscripserint Conc. Tolet. tertio.

LEGIO, civitas à Romanis legionibus condita, ut in divisione diœceson Hispaniæ sub Vamba facta legitur, vulgò *Leon*. *Decentius* Legionensis Episcopus Concilio Eliberitano subscripsit.

PROVINCIA LUCENSIS I N G A L L E C I A.

LUCUS AUGUSTI Ptol. ibid. vulgò *Lugo*. *Nitigis* Lucensis Metropolitana Ecclesiæ Episcopus subscripsit Concilio Bracarenfi secundo, & *Berilla* Toletano quarto.

IRIA FLAVIA Ptol. ibid. vulgò *El Padron*, teste Moral. Ex ejus Episcopis *Andreas* subscripsit Concilio Bracarenfi secundo, & *Dominicus* Toletano tertio.

AURIA Notitiæ antiquæ Hispaniarum apud eundem Moral. vulgò *Orense*. Hujus civitatis Episcopus *Victimer* subscripsit Concilio Bracarenfi secundo, & *Pegalius* (aliis *Lupatus*) Toletano tertio.

TUDE Ptol. ibid. vulgò *Tuy*. *Avila* hujus civitatis Episcopus subscripsit Concilio Bracarenfi secundo, & *Gardingus* (aliis *Neufila*) Toletano III.

ASTURICA Ptol. ibid. vulgò *Astorga*. Ex ejus Episcopis *Domitianus* subscripsit Concilio Sardicensi, *Polemius* Bracarenfi secundo, & *Thalassius* Toletano tertio.

BRITONIA, seu BRITONUM, antiquæ Notitiæ Hispaniarum apud Ambros. Moral. nunc pagus *Bretagna* dictus, teste Joan. Marian. Quibusdam ex hoc Ovetum creditur, quod apud antiquum Cod. MS. in divisione Episcopatum sic legatur: *Ovetum, hoc est, Britonia exempta à Galleciæ Bracara*. *Mailoc* Britonensis, seu Britinorum Episcopus subscripsit Concilio Bracarenfi secundo, & *Methopius* Britaniensis Toletano IV.